



S jednog od okupljanja: Više od dvije stotine članova

## Tuzlanka Edina Hodžić o projektu „100% bh. dernek“ **Druženje mladih Bosanaca i Hercegovaca svakog prvog petka u mjesecu**

Na zabavama i gosti iz Londona, Birmingema, Lutona, Kembridža • Elita intelektualaca

Tuzlanka Edina Hodžić već desetak godina živi i radi u Londonu. Ujedno je i začetnica ideje koja se zove „100% bh. dernek“ London, a čija je godišnjica realizacije obilježena proteklog vikenda u jednom od najekskluzivnijih londonskih bar-klubova „The Collection“.

Šarmantnu Edinu zamolili smo da našim čitaocima pojašni šta je ustvari „100% bh. dernek“.

### Izuzetna podrška

- Na ideju formiranja „100% bh. derneka“ došla sam s ciljem i željom da omogućim svim našim Bosancima i Hercegovcima u Ve-

- Na našim zabavama mi ne samo da imamo goste iz Londona, Birmingema, Lutona, Oksforda, Kembridža nego i goste iz Austrije, Njemačke, Švicarske, Hrvatske, kao i naših državljana u prolazu. Svi smo bili presretni da možemo upoznati jedni druge i preponosni kada vidimo koliko smo uspjeha postigli u ovoj zemlji. U suštini, to je jedna izuzetna elita intelektualaca, doktora, profesora, advokata, inženjera, bankara, administratora, menadžera, filmskih producenata, dizajnera, arhitekata, kao i mnogih studenata koji promoviraju našu zemlju u svim sektorima i među kojima postoji želja da ostanemo ujedinjeni.

Naše druženje nije ograničeno nikakvom političkom, vjerskom ili etničkom pripadnošću. Dovoljno je da ste Bosanac ili Hercegovac ili iskren prijatelj BiH i sasvim ćete se lako uklopiti u naš krug.

□ **Kakvi su dalji planovi „100% bh. derneka“?**

- Velike su mogućnosti da „100% bh. dernek“ preraste u nešto mnogo veće, ukoliko nam okolnosti budu dozvoljavale i, naravno, ukoliko bude postojala čvrsta međusobna volja naših članova. Moja idealna želja je da se, po ovom modelu, formiraju slične grupe za okupljanje naših mladih i u drugim zemljama gdje postoji naša dijaspora, s kojima bi se „100% bh. dernek“ uvezao i tako zajedničkim snagama organizirale zabave za naše državljane ne samo u Velikoj Britaniji nego i u drugim zemljama. Tako bismo konstantno proširivali krug naših članova i prijatelja kroz koji bi mlada bh. dijaspora jačala iz dana u dan. Važno je istaknuti da su naša druženja apolitičkog karaktera i taj moto će „100% bh. dernek“ zadržati i u budućnosti.

### Širenje kruga

□ **Kako se naša omladina na Otoku može priključiti Vašoj ideji?**

- Mi nastavljamo s redovnim zabavama i širenjem našeg kruga te stoga pozivam sve zainteresirane da nam se pridruže jednom mjesečno i svojim prisustvom uveličaju našu jedinu bh. večer u Londonu. Kao što sam rekla, dovoljno je da ste Bosanac ili Hercegovac ili prijatelj koji voli i cijeni našu zemlju i bit ćete uvijek rado viđen gost.

Namik ALIMAJSTORVIĆ



Hodžić: Ponosni smo na naš uspjeh

likoj Britaniji, kao i svim prijateljima BiH da se okupe svakog prvog petka u mjesecu na jednom mjestu, upoznaju, prijatelje, izmijene mišljenja i svakako zabave do sitnih sati. Ideju su rado prihvatili naši mladi ljudi koji su baš kao i ja bili željni ujedinjenja sa svojim sunarodnjacima na većem nivou.

Tako smo, međusobno promovirajući „100% bh. dernek“ proširili krug od 20-ak na početku do preko 200 članova danas i to samo na našoj Facebook grupi preko koje obično šaljemo pozivnice i fotografije svih naših druženja. Zahvalila bih ovom prilikom svima na izuzetnoj podršci od samog početka, bez koje bi „100% bh. dernek“ bio naprosto nemoguć.

□ **Osim mladih Bosanaca i Hercegovaca, ko se još s vama druži?**

MAKARSKA RIVIJERA Strah od ljetnog fijaska

# Samo još Bosanci mogu spasiti sezonu

U Gracu i Zaostrogu očekuju uspješnu sezonu samo ako im dođu turisti iz BiH  
• Ovo je najneizvjesnija godina, kažu u jednoj od turističkih agencija



Gradac: Poluprazne plaže

(Foto: A. Dučić)

Ljetna turistička sezona na Makarskoj rivijeri još nije uzela maha. O tome svjedoče poluprazne plaže, hoteli i pansioni. Iako je još mjesec do pravog turističkog buma, ljetna sezona na ovom području Jadrana mogla bi doživjeti fijasko.

### Otkazani aranžmani


Ovako, barem, misle mnogi hotelijeri, vlasnici apartmana, uposlenici u turističkim agencijama koje smo jučer posjetili u Gracu i Zaostrogu. Svi su složni u jednom: sezonu mogu spasiti jedino Bosanci i Hercegovci.

- Ako se građani BiH ove godine odluče da u približno istom broju kao i lani posjete Gradac, mi bismo ovu sezonu mogli smatrati uspješnom. Bosanci i Hercegovci od ukupnog broja turista čine gotovo 50 posto. Zamislite sada da se ovaj procent prepolovi - govori nam Leon Borich iz Turističke agencije „Borich“ Gradac.

On navodi kako ne pamti da su ljudi koji žive od turizma ušli u neizvjesniju godinu kao ovu. To je, dodaje, već vidljivo sada, kada ima dosta otkazanih aranžmana u dva velika i četiri mala hotela u ovom gradiću na Makarskoj rivijeri.

### Bh. registracije

Marinko Sabljčić iz Širokog Brijega, kojeg smo na plaži u hla-



Sabljić uz „Dnevni avaz“: Smještaj kod prijatelja

dovini zatekli s izdanjem „Dnevnog avaza“, došao je s porodicom u Gradac gdje će provesti nekoliko dana. Priznaje kako će ove godine boravak morati znatno reducirati.

- Imao sam sreću da nađem smještaj kod nekih prijatelja. Hoteli su preskupi, a i privatni smještaj bi mogao biti malo jeftiniji - kaže Sabljčić.

Mještatin Mario Bogunović koji naplaćuje parking dobar je poznavalac prilika u ovom gradiću. Ističe da je Gradac u posljednjih nekoliko godina dosta



Briga i Gestenberger: Došle iz Sarajeva

## Skup smještaj

Iako je godina recesije, prava je rijetkost u Gracu naći smještaj ispod 10 eura po osobi. Sabina Briga i Suada Gestenberger iz Sarajeva također su došle u Gradac na nekoliko dana. Super im je, kažu, iako je temperatura vode još niska. Ove dvije prijateljice navode kako će Gradac posjetiti i u julu.

## Podbačaj u Neumu

Hoteli „Sunce“, „Zeni“, „Neum“ i drugi u jedinom bh. gradu na Jadranu još u predsezoni bilježe dosta nizak procent rezervacija. Podbačaj se, kako cijene, kreće od 40 do 70 posto. U hotelu „Sunce“ najavljuju da će početi davati popuste, s obzirom na to da su primijetili kako je čak i broj ekscurzija prilično pao u odnosu na prošlu godinu. No, ipak se iz dana dan u Neumu povećava broj turista.

proširio kapacitete. Optimističan je po pitanju predstojeće sezone, ali mu je žao, kako kaže, što u ovom gradu propadaju objekti koji su u vlasništvu BiH.

Posjetili smo i desetak kilometara udaljeni Zaostrog, također, jedno od omiljenih ljetovališta naših građana. Slika je slična kao i u Gracu. Plaže još ni do pola nisu popunjene. U Zaostrogu dvije trećine parkiranih vozila kod plaže imaju bh. registrarske oznake.

A. DUČIĆ